

Հաստատված է

Ազարակ համայնքի ավագանու

20.12.2016 թ. N 39 որոշումով

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ
ՄԱՐԶԻ ԱԳԱՐԱԿ ՀԱՄԱՅՆՔԻ ՀՆԳԱՄՅԱ
ԶԱՐԳԱՑՄԱՆ ԾՐԱԳԻՐ**

Բովանդակություն

1.Համայնքի ղեկավարի ողջույնի խոսք.....	3
2.Համայնքի իրավիճակի նկարագրություն	4
2.1.Համայնքի ընդհանուր նկարագրություն	4
2.2.Համայնքի սոցիալ տնտեսական իրավիճակը.....	5
2.3.Համայնքում իրականացվող ծրագրերը.....	Ошибка! Закладка не определена. 6
2.4.Համայնքի ֆինանսական իրավիճակի նկարագրություն և ֆինանսական կանխատեսումները.....	Ошибка! Закладка не определена. 7
2.5.Զարգացման խոչընդոտներ և դժվարություններ	Ошибка! Закладка не определена. 9
2.6.Համայնքի ուժեղ և թույլ կողմերի, հնարավորությունների և սպառնալիքների (ՈւԹՀՍ) վերլուծություն 10	
3.Նպատակների սահմանում և գործողությունների պլանավորում.....	Ошибка! Закладка не определена. 11
3.1.Համայնքի զարգացման տեսլական	Ошибка! Закладка не определена. 12
3.2.Համայնքի զարգացման անմիջական նպատակներ	Ошибка! Закладка не определена. 13
4.ՀՀԶԾ ֆինանսավորում	16
5.ՀՀԶԾ մոնիթորինգ	Ошибка! Закладка не определена. 17

1. ՀԱՄԱՅՆՔԻ ՂԵԿԱՎԱՐԻ ՈՂՋՈՒՅՆԻ ԽՈՍՔԸ

Հարգելի հայրենակիցներ

ՀՀ Արագածոտնի մարզի Ագարակի համայնքապետարանը նախկին քառամյա ծրագրի շրջանակներում կատարել է իր վրա դրված պարտավորությունները, որոնց ականատեսն եք եղել դուք և իրազեկվել եք համայնքի ավագանու որոշումներով, բյուջեի եռամսյա հաշվետվություններով: Սակայն ծրագիրը բավարար չէր բնակչության բարեկեցության բարձրացման և համայնքին կայուն զարգացում ապահովելու համար: Այդ պատճառով հաշվի առնելով հանրային բաց լսումներում ձեր առաջարկությունները, համայնքի սոցիալ տնտեսական իրավիճակը, առկա հիմնախնդիրները, տնտեսական, ֆինանսական, բնական ու մարդկային ռեսուրսները, դրանք քննարկելով համայնքի ղեկավարին կից խորհրդակցական մարմինների և ավագանու համատեղ նիստերում, համայնքի ավագանու կողմից ընդունվել է ՀՀ Արագածոտնի մարզի Ագարակ համայնքի հնգամյա(2017 – 2021 թթ.)զարգացման ծրագիրը(ՀՀԾԾԾրագիր):

Ծրագրի հիմնական ուղղություններն են

1. Սպորտ հրապարակի կառուցում
2. Համայնքի ներհամայնքային ճանապարհների ասֆալտապատում և կապիտալ նորոգում
3. Ոռոգման համակարգի ջրագծերի կառուցում և կապիտալ վերանորոգում
4. Համայնքի ներհամայնքային փողոցների լուսավորության անցկացում
5. Խմելու ջրագծերի կապիտալ և ընթացիկ նորոգում

6.Համայնքապետարանի շենքի ընթացիկ և կապիտալ նորոգում և գույքի ձեռքբերում

7.Մշակույթի տան ընթացիկ և կապիտալ նորոգում,գույքի ձեռք բերում

8Բուժ-ամբուլատորիայի շենքի վերանորոգում, գույքի ձեռք բերում

9.Մանկապարտեզի կառուցում

Այս ծրագրի գերակա ոլորտներն են.

1. Բնակչության առողջության և կենցաղային մակարդակի բարձրացում
2. Գյուղատնտեսության զարգացում
3. Մատաղ սերնդի դաստիարակություն
4. Սպորտի զարգացում
5. Զբոսաշրջության զարգացում

Բնակչության առողջության մակարդակի բարձրացման գործում կարևոր նշանակություն ունի բուժամբուլատորիայի ընթացիկ վերանորոգում, որը հնարավորություն կտա տրամադրել ավելի արդյունավետ և մատչելի սպասարկում:

Մատաղ սերնդի դաստիարակության բնագավառում կարևոր է նոր մանկապարտեզի կառուցումը և մանկապարտեզի գույքի ձեռքբերումը:

Գյուղատնտեսության զարգացման հարցում կարևոր է ոռոգման նոր ջրագծերի և ջրատարների կառուցումը և հների վերանորոգումը.

Սպորտի զարգացման համար առաջնահերթ է համայնքում սպորտ հրապարակի կառուցումը.

Մշակույթի տան վերանորոգումն ու գույքի ձեռք բերումը կնպաստի նոր խմբակների ստեղծման և համայնքային միջոցառումների կազմակերպման .

Սակայն ծրագրի իրականացման համար առկա են բազմաթիվ խոչնդոտներ.

1. Համայնքի բյուջեում սեփական եկամուտների փոքր բաժին
2. Բնակլիմայական պայմաններ
3. Գյուղատնտեսության ապահովագրության բացակայություն
4. Ոռոգման ջրի, դիզվառելիքի, պարարտանյութերի, բուժանյութերի բարձր գին
5. Ներդրումների բացակայություն

2. ՀԱՄԱՅՆՔԻ ԻՐԱՎԻՃԱԿԻ ՆԿԱՐԱԳՐՈՒԹՅՈՒՆ

2.1 ՀԱՄԱՅՆՔԻ ԸՆԴՀԱՆՈՒՐ ՆԿԱՐԱԳՐՈՒԹՅՈՒՆ

Ագարակ համայնքը գտնվում է ՀՀ Արագածոտն մարզի Աշտարակի տարածաշրջանիում, Աշտարակ քաղաքից 7կմ դեպի արևմուտք, Երևանից 25կմ հեռավորության վրա: Գյուղը ծովի մակերևույթից բարձր է 1100մետրով: Գյուղը սահմանակից է Աղծք, Փարպի, Բյուրական և Ոսկեվազ գյուղերին: Գյուղի միջով հոսում է Ամբերդ գետը, այն սկիզբ է առնում Արագած լեռից, ստեղծում բնական գեղեցիկ միջավայր և միկրոկլիմա:

Բնակչությանթիվը 2016 թ. հունվարի 1 –ի դրությամբ կազմում է 2009 մարդ,որից՝
Տղամարդ - 1022
Կին - 987
Այլ ազգերից կան.
Եզդիներ – 25
Ռուսներ - 2

2.2 ՀԱՄԱՅՆՔԻ ՍՈՑԻԱԼ-ՏՆՏԵՍԱԿԱՆ ԻՐԱՎԻՃԱԿԸ

ՀՀ Արագածոտնի մարզի Ագարակ համայնքի 2017 թ-ի վարչական բյուջեն կազմում է 42408.0 հազ. դրամ, որտեղ համայնքի սեփական եկանուտները կազմում է 31.1%, իսկ ընդհանուր բյուջեն ֆոնդային բյուջեի հետ միասին կազմում է 54587.5 հազար դրամ:

Համայնքում արդյունաբերական ձեռնարկություններ չեն գործում: Գործում էր մեկ տուֆ քարի հանքավայր, որը բիզնես տեսակետից շահավետ չլինելու պատճառով արդեն երկու տարի է չի գործում: Ծառայությունների մատուցման գծով. համայնքում <<Էկո-Կենտրոն>> ՍՊԸ կողմից կատարվում է աղբահանություն, <<Փարպի>> ՋՕԸ կողմից՝ ոռոգման ջրի մատակարարում: Համայնքում գոծում են 11/տասնմեկ/ փոքր խանութներ, 2/երկու/ գազալցակայան, 2/երկու/ սննդի օբյեկտ: Համայնքը մոտովորապես 80%-ով գազաֆիկացված է:

Համայնքում գյուղատնտեսության բնագավառում առաջատար ճյուղ է պտղաբուծությունը, որին բաժին է ընկնում գյուղատնտեսական արտադրանքի մոտ 30%, մնացածը բաժին է ընկնում բանջարաբուծությանը և անասնապահությանը: Ցածր մակարդակի վրա է խաղողագործությունը և դաշտավարությունը: Լինելով Երևան քաղաքին և Երևան- Գյումրի մայրուղուն մոտ, գյուղատնտեսական արտադրանքի հիմնական մասը սպառվում է Երևան քաղաքի շուկաներում, ինչպես նաև տեղում:

Ագարակ համայնքը հարուստ է զբոսաշրջային մեծ հետաքրքրություններ կայացնող բնական, պատմական և մշակութային հուշարձաններով (<<Ագարակ-1>> պատմամշակութային արգելոց, 5-րդ դարի եկեղեցի, <<Արարատ-73>> ֆուտբոլային թիմին նվիրված հուշարձան, Հայրենական մեծ պատերազմին և Արցախյան հերոսամարտին նվիրված հուշարձան): Գյուղի տարածքում կա տարբեր դարերում կառուցված եկեղեցիների ավերակներ: Բարերար՝ համագյուղացի Հրաչյա Պողոսյանի միջոցներով կառուցվել է <<Սբ. Մարիամ Աստվածածին>> եկեղեցին, որը հանձնվել են Մայր Աթոռ Սուրբ Էջմիածին եկեղեցու տնօրինությանը: Որոշակի ներդրումների դեպքում Ագարակ համայնքը ունի մեծ պոտենցիալ զբոսաշրջային կենտրոն դառնալու համար:

Ագարակ համայնքում գործում է մեկ միջնակարգ դպրոց՝ ուր հաճախում են համայնքի 212 աշակերտ: Դպրոցը կառուցվել է 150 աշակերտների համար:

Համայնքում գործում է մեկ բժշկական ամբուլատորիա, որը գազաֆիկացված է և մասնակի վերանորոգված: Բուժամբուլատորիան գործում է ընտանեկան բժշկության ծրագրով: Այն նախատեսված է սպասարկելու Ագարակ, Աղծք և Տեղեր համայնքների մոտ 3900 բնակիչների: Տարեկան այցելուների թիվը կազմում է 2000 հիվանդ:

Համայնքում ընտանեկան նպաստների համակարգում և սոցիալական ծրագրերում ընդգրկված են 84 ընտանիք:

2.3. ՀԱՄԱՅՆՔՈՒՄ ԻՐԱԿԱՆԱՑՎՈՂ ԾՐԱԳՐԵՐԸ

Համայնքում գալիք հինգ տարիների համար պետության աջակցությամբ կամ այլ ծրագրերով նախատեսվում է կառուցել նոր մանկապարտեզ: Ծրագրի իրականացման համար համայնքը պատրաստ է կատարել իր ներդրումը և ֆինանսապես և նյութապես: Նոր մանկապարտեզի կառուցումը կնպաստի համայնքի մատաղ սերնդի դաստիարակությանը:

Համայնքի հնգամյա զարգացման ծրագրով նախատեսված է այլ ծրագրերով կառուցել ոռոգման նոր ջրագծեր և վերանորոգել հները: Այս ծրագրի իրականացման արդյունքում ոռոգման ջրի կորուստները կհասցվի մինիմումի և կավելացվի ոռոգվող տարածքների, մշակվող հողերի քանակը, կբարձրանա բնակչության զբաղվածության աստիճանը:

Համայնքի զարգացման համար մեծ ազդեցություն կունենա Հյուսիս – Հարավ ավտոճանապարհի Ագարակի հատվածի կառուցումը:

Անասնապահության բնագավառում կառուցվել է տիպային անասնագոմ ֆիզիկական անձանց կողմից և հետագա տարիներին նախատեսվում է այն ընդլայնել:

Կա պայմանավորվածություն մասնավոր ընկերությունների և անհատ սեփականատերերի հետ մոտակա հինգ տարիներին իրենց սեփական հողատարածքներում 25 հա այգի հիմնելու համար:

2.4 ՀԱՄԱՅՆՔԻ ՖԻՆԱՆՍԱԿԱՆ ԻՐԱՎԻՃԱԿԻ ՆԿԱՐԱԳՐՈՒԹՅՈՒՆ ԵՎ ՖԻՆԱՆՍԱԿԱՆ ԿԱՆԽԱՏԵՍՈՒՄՆԵՐ

ՀՀ Արագածոտնի մարզի Ագարակ համայնքի 2017 թ. Բյուջեն կազմվել է ելնելով համայնքի զարգացման հնգամյա պլանից:

1. Համայնքի բյուջեն եկամուտների մասով կազմում է – 42408.0 հազար դրամ
2. Ծախսային մասով բյուջեն կազմում է – 54587.5 հազար դրամ

Համայնքում ծրագրերի իրականացման համար կանխատեսվում է.

1. Մանկապարտեզի կառուցման ծախսերը կազմում է 100,0 մլն դրամ, իսկ համայնքի ներդրումը կազմում է 10 մլն դրամ:
2. Ագարակ համայնքի միջոցների հաշվին խմելու ջրագծերի ընթացիկ վերանորոգման համար 1000,0 հազար դրամը կներդնի համայնքը:
3. Համայնքի մայրառվի կապիտալ նորոգման համար համայնքը նախատեսել է 500,0 հազար դրամ գումար: Ծրագրի իրականացման ֆինանսավորումը կատարվելու է 2017 թ-ի Ասիական բանկի ներդրումային ծրագրով: Ընդհանուր գումարը՝ 25 մլն դրամ:
4. Սպորտ հրապարակի կառուցման համար կանխատեսվում 20 000,0 հազար դրամ, ֆինանսավորման աղբյուրը լուծված չէ:
5. Համայնքապետարանի շենքի վերանորոգման համար նախատեսվել է 3000.0 հազար դրամ համայնքի միջոցների հաշվին
6. Գազաֆիկացում չգազաֆիկացված փողոցների համար 10 մլն. դրամ համայնքի հաշվին
7. Ճանապարհների ասֆալտապատում և համայնքային ճանապարհների ընթացիկ վերանորոգում 2.5 մլն դրամ համայնքի հաշվին
8. Փողոցների լուսավորության համար 7 մլն. դրամ համայնքի միջոցների հաշվին
9. Բուժ-ամբուլատորիայի վերանորոգում և գույքի ձեռք բերման համար 8 մլն. դրամ , ֆինանսավորման աղբյուրը լուծված չէ
10. Մշակույթի տան վերանորոգում և գույքի ձեռք բերման համար 7 մլն. դրամ, ֆինանսավորման աղբյուրը լուծված չէ

Համայնքում առաջիկա հինգ տարիներին կանխատեսվում է.
2017 թ. - 14779.5 հազար դրամ
2018 թ. - 16000,0 հազար դրամ
2019 թ. - 18000,0 հազար դրամ
2020 թ. - 20000.0 հազար դրամ

Ծանոթություն - 2017 թ. Բյուջեում ֆոնդային բյուջեի գումարը կազմում է 14779.5 հազար դրամ.

Կանխատեսումները արվել են ելնելով սեփական եկամուտների ավելացման, անշարժ գույքի և հողի օտարումից, հողերի նպատակային նշանակության փոփոխությունից և պետ բյուջեից տրվող ներքին դոտացիայի ավելացման հաշվին:

2.5 ՀԱՄԱՅՆՔԻ ԶԱՐԳԱՑՄԱՆ ԽՈՋՆԵՐՈՍՆԵՐ ԵՎ ԴԺՎԱՐՈՒԹՅՈՒՆՆԵՐ

Ազարակ հանայնքի զարգացման հնգամյա ծրագրի իրականացման համար առկա են բազմաթիվ խոչընդոտներ և դժվարություններ, որոնք կարծես փոխկապակցված լինեն միմյանց հետ և ծրագրի մի խնդրի լուծումը կարող է օգնել նաև մյուսների լուծման գործընթացին:

Այսպես՝գործարար միջավայրի բարելավումը և ձեռնարկատիրության խթանումը կարող է բերել գյուղատնտեսության զարգացմանը,որտեղ հիմնական խոչընդոտներն են .

1.Տեխնիկայի բացակայություն

2. Մասնագետների պակաս

3. Հողերի ցածր բերիություն

4.Ֆինանսների անբավարարության պատճառով ժամանակակից տեխնոլոգիաների ներդրման անհնարինություն.

5. Ոռոգման ջրի բարձր սակագին

6.Ոռոգման ցանցում ջրի մեծ կորուստներ

7.Բուժանյութերի պիտանելիության անբավարարություն

8.Արտադրանքի իրացման դժվարություններ

9.Հակակարկտային կայանների պակաս

10.Տրամադրվող վարկերի բարձր տոկոս

Այս խոչընդոտները մեղմելու դեպքում գյուղատնտեսությունը կարելի է հասցնել այնպիսի մակարդակի,որը հնարավորություն կտա ավելի արդյունավետ դարձնել հողերի օգտագործումը, կբերի համայնքի կայուն զարգացման, կստեղծվեն նոր աշխատատեղեր, կներդրվեն հողերի

մշակման նոր տեխնոլոգիաներ, կբարձրանա բնակչության կենսամակարդակը, կավելանա համայնքի սեփական եկամուտները, կհեշտանա հարկերի և տուրքերի հավաքագրումը, որն էլ կնպաստի բիզնես միջավայրի բարելավմանը և կոռպորացիաների ստեղծմանը:

Բնակչության առողջության մակարդակի բարձրացման գործում կարևոր նշանակություն ունի բուժամբույատորիայի ընթացիկ վերանորոգում, որը հնարավորություն կտա տրամադրել ավելի արդյունավետ և մատչելի սպասարկում:

Համայնքում զբոսաշրջության զարգացման համար կան նպաստավոր պայմաններ(պատմամշակութային հուշարձաններ, եկեղեցիներ,): Զարգացման համար մեծ խոչընդոտ է ներդրումների բացակայությունը:Այս հարցում կարևոր է բարեգործության խթանումը և այլ ծրագրերի ներգրավումը:

Համայնքում սպորտի զարգացման համար մեծ նշանակություն կունենա սպորտհրապարակի կառուցումը, որի համար խոչընդոտ է բարեգործական, մասնավոր և պետական ներդրումների բացակայությունը:

Մատաղ սերնդի դաստիարակության գործում մեծ նշանակություն ունի նոր մանկապարտեզի կառուցումը և գույքի ձեռքբերումը, որի համար խոչընդոտ է բարեգործական, մասնավոր և պետական ներդրումների բացակայությունը:

2.6 ՀԱՄԱՅՆՔԻ ՈՒԺԵՂ ԵՎ ԹՈՒՅԼ ԿՈՂՄԵՐԻ, ՀՆԱՐԱՎՈՐՈՒԹՅՈՒՆՆԵՐԻ ԵՎ ՍՊԱՌՆԱԼԻՔՆԵՐԻ (ՈՒԹՀՍ) ՎԵՐԼՈՒԾՈՒԹՅՈՒՆ

1. ՀԱՄԱՅՆՔԻ ՈՒԺԵՂ ԿՈՂՄԵՐԸ

1.1 Գյուղի աշխարհագրական դիրքը ռազմավարական նշանակություն ունի. գտնվում է Հյուսիս – հարավ միջպետական մայրուղու մոտ և մայրաքաղաքից հեռու է 27կմ

1.2 Արզնի- Շամիրամ ոռոգման ջրանցքի առկայությունը

1.3 Միջմարզային ճանապարհների բավարար վիճակ

1.4 Գյուղատնտեսության զարգացման մեծ հնարավորություն

1.5 Հյուսիս – Հարավ ճանապարհի կառուցումը

2. Համայնքի թույլ կողմերը

2.1 Հողերի ցածր բերիություն

2.2 Գյուղատնտեսական տեխնիկայի և մասնագետների պակաս

2.3 Վարկերի բարձր տոկոսներ

2.4 Ոռոգման ջրի բարձր սակագին

2.5 Դիզելային վառելիքի, պարարտանյութերի, բուժանյութերի բարձր գին

2.6 Գյուղատնտեսական մթերքների իրացման շուկաների փոքր հնարավորությունները

2.7 Արտադրական և վերամշակող ձեռնարկությունների բացակայությունը

3 Համայնքի հնարավորությունները

3.1 Բնակլիմայական բարենպաստ պայմաններ գյուղատնտեսական կուլտուրաների լայն տեսականու արտադրության համար

3.2 Զբոսաշրջության զարգացում

3.3 Գյուղմթերքների վերամշակման փոքր արտադրությունների ստեղծման հնարավորություն

3.4 Զերմոցային տնտեսությունների ստեղծում

3.5 Անասնապահության զարգացում

4. Համայնքի սպառնալիքները.

4.1 Կարկտահարության և ցրտահարության սպառնալիք.


4.2 Ոռոգման համակարգի ոչ բավարար վիճակ.

4.3 Գետերի վարարումները

3. ՀԱՄԱՅՆՔԻ ՆՊԱՏԱԿՆԵՐԻ ՍԱՀՄԱՆՈՒՄ ԵՎ ԳՈՐԾՈՂՈՒԹՅՈՒՆՆԵՐԻ ՊԼԱՆԱՎՈՐՈՒՄ

Ագարակ ՀՀԶԾ նպատակների և գործողությունների, սահմանման, անհրաժեշտ ռեսուրսների հաշվարկման հերթականությունը

Նպատակների, զարգացման
տեսլականի սահմանում



Գործողությունների
պլանավորում

Անհրաժեշտ ռեսուրսների
հաշվարկ

3.1 ՀԱՄԱՅՆՔԻ ԶԱՐԳԱՑՄԱՆ ՏԵՍԼԱԿԱՆ

ՀՀ Արագածոտնի մարզի Ագարակ համայնքի զարգացման ծրագիրը կազմված է առաջիկա հինգ տարիների համար և փոփոխություններ սպասվում են այդ տարիների ընթացքում:

Համայնքի զարգացման հիմնական ուղղություններն են՝

1. Համայնքի բնակիչների առողջության մակարդակի բարձրացում: Այս հարցում կարևոր խնդիր է բժշկական ամբուլատորիայի ընթացիկ վերանորոգումը, որի համար համայնք ընախատեսել է իր մասնաբաժինը: Դեռևս ֆինանսավորման հարցը լուծված չէ:

2. Մատաղ սերնդի դաստիարակության հարցում կարևոր է մանկապարտեզի կառուցումը: Գումարը կազմում է 100 մլն. դրամ, որտեղ համայնքի մասնաբաժինը կազմում է 10 մլն դրամ:


3. Համայնքում գյուղատնտեսության զարգացման համար կարևոր խնդիր է ոռոգման նոր համակարգերի կառուցումը և հների կապիտալ նորոգումը: Համայնքի մայրաովի կապիտալ նորոգման համար համայնքը նախատեսել է 500,0 հազար դրամ գումար: Ծրագրի իրականացման ֆինանսավորումը կատարվելու է 2017 թ-ի Ասիական բանկի ներդրումային ծրագրով: Ընդհանուր գումարը՝ 25 մլն դրամ:

4.Սպորտի զարգացման հարցում կարևոր է սպորտհրապարակի կառուցումը: Համոզված ենք,որ սպորտ հրապարակի կառուցումը ավելի մեծ մասսայականություն կունենա համայնքում, կունենանք ավելի առողջ երիտասարդություն և առաջնակարգ մարզիկներ:

5.Համայնքի զարգացման և կայուն եկամուտների ապահովման գործում կարևոր նշանակություն կունենա զբոսաշրջության զարգացումը, որի համար կան նպաստավոր պայմաններ:

6.Համայնքի կայուն զարգացման գործում կարևոր խնդիրներ են նաև համայնքի ներհամայնքային ճանապարհների կապիտալ նորոգումը, փողոցների լուսավորության անցկացումը,մշակույթի տան և համայնքապետարանի վերանորոգումը և գույքի ձեռքբերումը:

Համայնքի զարգացման հնգամյա ծրագրի իրականացումը նախատեսում է անհրաժեշտ ռեսուրսները, գործողությունները, ուղղակի արդյունքները, ծրագրի անմիջական և հեռահար նպատակները, որոնց ամբողջությունը ծրագրի տրամաբանական հենքն է.



ա/ համայնքում աղքատության շեմից ցածր գտնվող ընտանիքների թվի նվազման - 8 %

բ/ Սեփական եկամուտների տարեկան աճի - 5 %

գ/Բնակիչների թվի ավելացման - 1%:

և կապահովեն համայնքի կայուն զարգացում:

3.2 ՀԱՄԱՅՆՔԻ ԶԱՐԳԱՑՄԱՆ ԱՆՄԻՋԱԿԱՆ ՆՊԱՏԱԿՆԵՐ

ՀՀ Արագածոտնի մարզի Ագարակ համայնքի զարգացման հնգամյա ծրագրի շրջանակներում յուրաքանչյուր պարտադիր խնդրի լուծման համար համայնքը սահմանել է անմիջական

նպատակներ,որոնց իրականացումը կերաշխավորի համայնքի հեռահար նպատակների իրագործումը և համայնքին կբերի կայուն զարգացում:

Համայնքի զարգացման անմիջական նպատակներ են.

- 1.Համայնքի գույքի կառավարում .
2. Նախադպրոցական կրթության և արտադպրոցական դաստիարակության կազմակերպում.
- 3.Ակտիվ մշակույթային և մարզական կյանքի կազմակերպումը՝երիտասարդության ներգրավմամբ.
4. Համայնքի բնակչության սոցիալական պաշտպանություն.
5. Ֆիզիկական կուլտուրայի և առողջ ապրելակերպի խրախուսում.
- 6.Համայնքի բնակավայրերի կառուցապատումը, բարեկարգումը և կանաչապատումը, համայնքի աղբահանությունը և սանիտարական մաքրումը, կոմունալ տնտեսության աշխատանքների ապահովումը, նաև համայնքային գերեզմանատների պահպանումը և գործունեության ապահովումը.
- 7.Համայնքի հասարակական տրանսպորտի աշխատանքի կազմակերպում, համայնքային ճանապարհային ենթակառուցվածքների պահպանում և շահագործում.
8. Պետության պաշտպանության իրականացման աջակցում.
- 9.Աղետի ռիսկերի նվազեցում և արտակարգ իրավիճակներում բնակչության ու քաղաքացիական պաշտպանության իրականացում.
10. Համայնքում գյուղատնտեսության զարգացման խթանում.
11. Շրջակա միջավայրի պահպանություն.
12. Երիտասարդության խնդիրների լուծմանն ուղղված միջոցառումներ.
13. Բնակչության առողջական մակարդակի բարձրացում.
- 14.Բարեգործության խթանում.

Ծրագրի անմիջական նպատակների չափելիությունն ապահովելու համար սահմանվել է կատարողականի առանցքային ցուցանիշներ և ցուցանիշների թիրախային արժեքներ, որոնք ներկայացված են ՀՀԶԾ ծրագրերի անձնագրերում:

1.Մանակապարտեզի շենքի կառուցում

Ծրագրի իրականացման դեպքում մատաղ սերնդի դաստիարակության մակարդակը կբարձրանա, կստեղծվի աշխատատեղեր:Գումարը կազմում է 100մլն. դրամ,որտեղ համայնքի մասնաբաժինը կազմում է 10մլն դրամ:

2. Սպորտհրապարակի կառուցում.

Այս ծրագրի իրականացման համար համայնքը նախատեսում է կառուցել սպորտհրապարակ , որը կնպաստի սպորտի և ֆիզկուլտուրայի էլ ավելի մասսայականացմանը, երիտասարդության դերի բարձրացմանը, զբաղվածության ավելացմանը, առողջ սերունդի դաստիարակմանը, նոր աշխատատեղերի ստեղծմանը:

Ծրագրի գինը կազմում է 20 մլն դրամ: Նախատեսվում է ծրագիրը իրականացնել 2018 – 2021 թթ.: Կանխատեսվում է ծրագրում ներգրավել բարերարների աջակցությունը:

3. Համայնքի ներհամայնքային ճանապարհների ասֆալտապատում և կապիտալ նորոգում.

Ծրագիրը հնարավորություն կտա համայնքում բարելավել տրանսպորտի վիճակը, ունենալ մաքուր և բարեկարգ փողոցներ : Ծրագրի իրականացումը նախատեսվում է 2017 – 2021 թթ.: Այդ նպատակով համայնքի բյուջեից կհատկացվի 2.5 մլն դրամ:

4. Գազաֆիկացում

Կբարելավվի բնակչության կենսամակարդակը: Ծրագիրը նախատեսվում է իրագործել 2017-2019 թթ.: Այդ նպատակով համայնքի բյուջեից կտրամադրվի 10 մլն դրամ:

5. Ոռոգման համակարգի ընթացիկ և կապիտալ նորոգում

Ծրագիրը նախատեսվում է իրականացնել Ասիական բանկի բներդրումային ծրագրով: Այն հնարավորություն կտա համայնքում զարգացնել գյուղատնտեսությունը, համայնքին բերել կայուն զարգացում, բարձրացնել բնակիչների կենսամակարդակը, ստեղծել բիզնես միջավայր, խթանել ձեռնարկատիրությունը: Ծրագրի գինը կազմում է 25 մլն դրամ: Նախատեսվում է ծրագիրը իրականացնել 2017 – 2021 թթ.: Համայնքի ներդրումը բյուջեից նախատեսվում է 500,0 հազար դրամ:

6. Ներհամայնքային փողոցների լուսավորության անցկացում

Ծրագրի իրականացումը կբարձրացնի բնակչության կենսամակարդակը: Ծրագրի գինը կազմում է 7 մլն դրամ, որը կտրամադրվի համայնքի բյուջեից:

7. Համայնքապետարանի շենքի ընթացիկ և կապիտալ նորոգում, գույքի ձեռքբերում

Ծրագրի իրականացումով կստեղծվի բարենպաստ աշխատանքային պայմաններ: Ծրագրի գումարն է՝ 3 000,0 հազար դրամ, որը կֆինանսավորվի համայնքի բյուջեից:

8. Բուժ-ամբուլատորիայի վերանորոգում և գույքի ձեռք բերում

Ծրագրի իրականացումը կստեղծի բարենպաստ պայմաններ և ժամանակակից բուժ.սպասարկում:Ծրագրի գումարն է 8000.0հազար դրամ, կանխատեսվում է ծրագրի իրականացման համար բարերարների աջակցությունը:

9.Մշակույթի տան վերանորոգում և գույքի ձեռք բերում

Ծրագրի իրականացումը կնպաստի նոր խմբակների ստեղծման և համայնքային միջոցառումների կազմակերպմանը:Ծրագրի գումարն է 7000.0հազար դրամ,որից 500,0հազ.դրամը կֆինանսավորվի համայնքի բյուջեից,իսկ 6500,0 հազ.դրամի ֆինանսական հարցը լուծված չէ:

4.ՀՀԶԾ ՖԻՆԱՆՍԱՎՈՐՈՒՄ

Ազարակ համայնքի ՀՀԶԾ – ում ընդգրկված ծրագրերն նախատեսված է իրականացնել .

1. Համայնքի սեփական միջոցներով.
2. Ներքին պաշտոնական դրամաշնորհներով.
3. Պետություն – համայնք – մասնավոր հատված համագործակցության շրջանակներում մասնավոր ընկերությունների կողմից արված ներդրումներ.
4. Բարեգործություն և նվիրատվություն.
5. Այլ աղբյուրներ.

ՀՀԶԾ – ում ընդգրկված ծրագրերի իրականացման համար առկա և անհրաժեշտ ֆինանսական միջոցները ներկայացված են ՀՀԶԾ ծրագրերի ֆինանսավորման ամփոփաթեթում:

Համայնքը իր միջոցներով պատրաստ է իրականացնել հետևյալ ծրագրերը.

1.Ներհամայնքային ճանապարհների ընթացիկ և կապիտալ նորոգում, որի համար համայնքի ֆոնդային բյուջեից 2017 – 2020թթ. նախատեսել է 10մլն դրամ: Ելակետային տարվա արժեքն է 2.5 մլն դրամ:

2. Ներհամայնքային փողոցների լուսավորության անցկացման համար 2017 – 2018 թթ. Համայնքի վարչական և ֆոնդային բյուջեից նախատեսված է 7մլն դրամ: Ելակետային տարվա արժեքն է՝ 2 500,0 հազար դրամ:

3. Համայնքապետարանի շենքի ընթացիկ և կապիտալ նորոգման, գույքի ձեռքբերման համար 2017 – 2018 թթ. համար համայնքի ֆոնդային բյուջեից նախատեսված է 3 000,0 հազար դրամ: Ելակետային տարվա արժեքն է 3 000,0 հազար դրամ:

4.Ագարակ համայնքի միջոցների հաշվին խմելու ջրագծերի ընթացիկ վերանորոգման համար 1000,0 հազար դրամը կներդնի համայնքը:

Պետություն – համայնք – մասնավոր հատված համագործակցության շրջանակներում, այլ ծրագրերով համայնքը նախատեսում է իրականացնել.

1.Սպորտ հրապարակի կառուցման համար անհրաժեշտ գումար – 20մլն դրամ

Այլ ծրագրերով –20 մլն դրամ (գումարի հարցը լուծված է)

2.Ոռոգման ցանցի ընթացիկ և կապիտալ նորոգման համար գումարը – 25մլն դրամ, որից.

համայնքի ֆոնդային բյուջեից – 500,0 հազար դրամ

Ասիական բանկի ներդրումային ծրագրով մինչև 24.5մլն դրամ.

3.Մանկապարտեզի շենքի կառուցման համար գումարը –100 մլն դրամ, որից

Համայնքի ֆոնդային բյուջեից – 10 մլն դրամ

Այլ ծրագրերով – 90 մլն դրամ(ֆինանսավորման հարցը լուծված է)

4.Մշակույթի տան ընթացիկ և կապիտալ նորոգման, գույքի ձեռքբերման համար – 7 մլն դրամ, որից

Համայնքի բյուջեից---500,0հազ. դրամ

Այլ ծրագրերով – 6500,0հազ. դրամ (գումարի հարցը լուծված է).

5. Բուժ-ամբուլատորիայի վերանորոգում և գույքի ձեռք բերման համար 8մլն.դրամ ,ֆինանսավորման աղբյուրը լուծված է

5.ՀՀԶԾ ՄՈՆԻԹՈՐԻՆԳ

ՀՀԶԾ մոնիթորինգի ծրագիրը, մոնիթորինգի ենթարկվող ցուցանիշները ,ցուցանիշների հավաքագրման հաճախականությունը, տեղեկատվության աղբյուրներն ամփոփված է ՀՀԶԾ մոնիթորինգի անձնագրում:

